

3RD CHUUK STATE CONSTITUTIONAL CONVENTION

Weno, Chuuk State
Federated States of Micronesia 96942

JOURNAL OF THE CONSTITUTIONAL CONVENTION

39th Day (Wednesday) July 21, 2004 10:00 a.m. _____

CALL TO ORDER

President Noket: Ach mwich a suk, sipwene mosonoson ren iotek, emon me emon epwe pusin iotek non monomon.

SILENT PRAYER

Emon me emon Delegagte a pusin iotek non ekiek me netip.

ROLL CALL

President Noket: Mr. Secretary koko it.

Secretary a kokori iten emon me emon delegates. Mr. President, ukukun delegate mi ponueni iter nealowasei 10, 3 mei absent, mi quorum.

President Noket: Kilisou Mr. Secretary, fan iten kich mi quorum ikenai, kich mi tongeni sopweno. lei fansoun adoption of the journal. Floor Leader Harper.

Floor Leader Harper: Kilisou chapur Mr. President, uwa fori eu motion pwe mwich a adoptni journal lon ewe 7/08/2004. Second.

President Noket: A mokut a puan second pwe Mwich a etiwa journalun lon ewe July 08, 2004. Chon tipeew ngeni ewe motion apasa U, chon rese tipeew ngeni apasa apw. A ketiw ewe motion. lei sia nom won communication, item 5. Secretary.

Convention Secretary: Mr. President mi wor ruu (2) President's communication. Aewin 3-10 copyn communication seni ei convention through President ngeni Del. Eradio William. Ina mi pusin kapacheta fan agendan ei ran. Communication - President communication 3-11, ngeni President Noket, seni Acting Attorney General, Marketo Robert, ina mi pual attached.

President Noket: Mi wor ami kapas eis ika - ren ekkena communication. Ika ese wor pwe mi fatafatoch, sipwe angang won committee report iei fansoun, item 7 lon nouch na Order of Business. Sipwe angei SCR No. 3-15. Floor Leader Harper.

Floor Leader Harper: Uwa fori motion pwe mwichenap a etiwa Committee Report NO. 3-15. Second.

President Noket: A mokut a puan second pwe mwich a etiwa Committee Report No. 3-15. lei fansoun poraus won we report. Chairman Nifon.

Chairman Nifon: Kinisou Mr. President, Committee Report No. 3-15, seni omw we Committee won General Provision. Ewe a awenewen ngeni Del. Proposal No. 3-1, an epwe ekesiwini Section 7, non Article X, non ewe Chuuk State Constitution, an epwe atouu ewe kapas mandatory ewe requirement lon ewe annukun Health Insurance ngeni fonuach Chuuk. Mr. President sipwe puan chok omusomus fan iten ach we committee ren an akoon nakatatam fansoun an ei echo proposal epwe report sefan ngeni mwichenap. Nge fanasengesin osukosuk mi puan weneiti nouch kewe chon aninis. Iwe kinisou Mr. President pwe iei a nonom before emon me emon delegate. Emon me emon delegate epwene nenenong non ena report, met epwe nengeni nge epwe angawa ena report epwe touu, nge met emon me emon delegate a mefi epwe aochuono ena report an epwe tongeni ketiw meren mwichenap. Iwe omw we committee mi fakkun pwapwa, menemenoch, ren aninis seni mwichenap ngeni ekkena report. Kinisou chapur, Mr. President.

Floor Leader Harper: Mr. President.

President Noket: Floor Leader Harper.

Floor Leader Harper: Are esap wor netipengaw uwa aukatiu poraus won ewe report. Second.

President Noket: A mokut a puan second pwe a ukutiw poraus won ewe committee report, chon tipeew ngeni ewe motion apasa U, chon rese tipeew ngeni apasa Apw. Ewe motion a carried. Iei sipwene utut won ena report. Chon tipeew ngeni pwe mwich a etiwa ena report - Committee Report No. 3-15, apasa U, chon rese tipeew ngeni apasa Apw. Ewe Committee Report 3-15 a ketiw meren Mwichenap. Iei sipwe nom won item 8, non ena Order of Business. Sipwe poputa won Committee Proposal No. 3-15. Mwen ach sipwe angangeno won ena proposal upwe tungor ngeni Secretary of Convention epwe emwenikich ren ena proposal. Secretary.

Convention Secretary: Mr. President, Committee Proposal No. 3-15, to amend section 7, Article X, of the Chuuk State Constitution by deleting Mandatory requirement of the comprehensive system on Medical and Health Insurance, or Health Insurance to be established by Chuuk State Government for all employee, residence of the State of Chuuk, by deleting the word which is mandatory.

President Noket: Iei fansoun poraus. Floor Leader Harper.

Floor Leader Harper: Uwa fori motion pwe mwichelap a etiwa Committee Proposal No. 3-15, won aewin alea. Second.

President Noket: A mokut a puan second pwe mwich a etiwa Committee Proposal No. 3-15 lon ewin anea. Iei fansoun discussion.

Chairman Stephen: Mr. President.

President Noket: Chairman Stephen.

Chairman Stephen: Kinisou chapur, Mr. President. Ngang uwe mang ai upwe voice ai comments won ewe report nge ouwa fen aukatiw kapas won, iwe iei upwene chok mwo voiceni ai comment won ei proposal. Based won ekkan basis of en proposal, use sinei ika ena deletion of mandatory language epwe solveni the rest of the problems facing our people cover under this plan. Non ai uwa nenengeni ewe report iwe a foreclosed ai - kapasen ewe report, nge uchok mang. Ina wewen ita ai nenengeni sipwe nenengonochu ei proposal, mi watte ochun, puan watte ngawan mi pwa non we public hearing. Kinisou chapur Mr. President ina chok mwo kan puan mefie.

Floor Leader Harper: Mr. President.

President Noket: Floor Leader Harper.

Floor Leader Harper: Kose mochen ngang upwe mo tungor ngeni ai we committee ika repwe mwo pul emweni kich won iawe ita ururun epwe tolong meian akasiwil. Won line met me won ena proposal. Use silei ika uwe tumunungaw ngeni ewe report are ir mi afata.

President Noket: Mwich epwe mo asoso ekis.

Mwich a asoso. A puan popusefalita.

President Noket: Iwe sopoulosono won - angang won ena first reading. lei fansoun discussion lon first reading won Committee Proposal No. 3-15. Floor Leader Harper.

Floor Leader Harper: Kilisou chapur Mr. President. Lon ei fansoun uwa fori motion pwe ewe rule e requireni written amendment, epwe mwo pual suspended if necessary. Second.

President Noket: A mokut a puan second pwe ewe rule requiring written amendment epwe mwo puan suspend an epwe wor amendment non oral. A puan second. Chon tipeew ngeni ewe motion apasa U, chon rese tipeew ngeni apasa Apw. A carry ewe motion. Floor Leader Harper

Floor Leader Harper: Kinisou Mr. President. Mi wor ai na proposed amendment won line 4, murin ena fos Insurance, iwe nefilen ena fos **Insurance me for** epwe tolong ekkei ititin fos, Which is Mandatory. Iwe nge Mr. President according to the current language of the Constitution, iwe mei wor eu comma murin ena Insurance. Iwe I personally question it, why they use that comma lon ena eu - murin ena fos Insurance. I so moved for the amendment. Second.

President Noket: A mokut a puan second pwe epwe wor eu amendment epwe tonong murin ewe kapas Insurance. Nefinen ena fos Insurance me for won line 4 epwe

tonong ena kapas - ekkena kapas which is mandatory nge epwe strike through. lei fansoun poraus won ewe amendment. Floor Leader Harper.

Floor Leader Harper: Ewe amendment echok ii tolong an epwe ma apply ngeni nouch rule ika nouch format. Me lon nouch kei proposal lon fansoun a tolong won first reading. Ururun epwe reflect ekkewe amendment ngeni ekkewe article are section me lon ewe constitution mi amended. Ina popun are esap wor tipeengaw uwa fori motion pwe a koukutow poraus won ei proposal. Second.

President Noket: A mokut a puan second pwe a koukutow anini won ewe amendment, chon tipeew ngeni ewe motion apasa U, chon rese tipeew ngeni apasa Apw. A carry ewe motion. lei sipwe sopesopono chok angang won ena Committee Proposal No. 3-15, fiti fengen me met mi amended. Poputa - sopesopono discussion. Chairman Sitan.

Chairman Sitan: Kose mochen sipwe asoso

Mwich a asoso. Mwich a puan popusefanita.

President Noket: Mwich a poputa, Chairman Sitan.

Chairman Sitan: uwa weweiti.

Floor Leader Harper: Mr. President.

President Noket: Floor Leader Harper.

Floor Leader Harper: Ngang umochen sipwe nenengenochu ei propose amendment ngeni ei article me lon ei section. Fan iten sia weweiti pwe chommong chon Chuuk, akaewin ekkewe chon angangen government iir mi complaint ren ei eu wokisin mi nom lon nouch ei Constitution. Chommong ra mefi pwe mei rii manawer lon an nom ei workisin. Ina pwata ra tungor an epwe wor akasiwil ngeni ei article fengen me ena section. Iwe nge me epek lon ach ma pual rongorong usun mi fen pual afat me lon ewe report pwe chon ewe board me pual ekkoch ir mi silelap, ir resepwal mwo recommendni an epwe amended ena eu ika ekkena ititin fos. Fan iten re luku pwe ika epwe katuuruu ena "which is mandatory" iwe epwe feiengaw ach we insurance. Ika ewe Health Insurance plan, epwe fen eselipato an esap fen chiwen wor monian. Iwe a fen pual osupwangalo chon Chuuk are ekkewe familyn Chuuk mei ururun epwe mwar wor ekis alilis ngenir lupwen fansoun ar ra lom lon fansoun osukosuk are semwen. Iwe ina popun ika - ngang uwe mochen upwe tungor pwe sipwe fakkun nenengeniochu meni sie luku pwe epwe alisi chon Chuuk, iwe sisap pual tipemwaramwar le fiti. Nge ika sie luku pwe - an epwe remain ekkei fitu ititin fos lon ei section lon ei article. Iwe mi ooch sisap atapwanapwan ne siwili, nge ika sie luku pwe epwe fen puan ma osupwanga me ariafou ekkewe chon angang, ir mi contribute ngeni ei insurance plan, iwe upwe tungor sipwe pual serious lon ach sipwe considerni pwal ena eu ma wish of our state employees especially. Iwe ngang chok won winikapei, lon ei fansoun mi

osukosuk, mokutun ika kamon ach kewe allotment ngeni ei insurance, iwe iei ei och mettoch a esenipato usun nge upwele tipeew ngeni an epwe katalo ekkei ititin fos me lon ei section, lon ei article. Fan iten uwa nengeni nge met a fis usun nge sia chok cheadni nouch kewe aramas. Ren ach sia era pwe repwe contribute yet arr kewe allotment ese pay ngeni ewe insurance pwe a retain lon ach we offesin finance ika lon ach kewe bank, lon ach we general account. Nge a later on used for other purposes. Iwe ikkei ekkei - ai fakkun watten netipengaw, nuwokus, ekkewe ekis fofoun moni mi ururun epwe kamo ngeni satin, tuna, lunchon, me rice, iwe ese fen chiwen kamo ngeni pwe a nounou ngeni pwal ekkoch fan iten ei requirement me lon ei constitution. Nge eu requirement ese enforce meren ach we executive branch lon ach ei state government. Kilisou chapur.

President Noket: Ika ese chiwen wor discussion won ei proposal, sipwene - Chairman Sitan.

Chairman Sitan: Mr. President, ngang upwe sopwei metewe noun we Floor, lon ai pual momot ngang mi tipeew ngeni pual aucheani ei mettoch. Me lukun ewe - en allotment, ngang uwa pual nengeni ua kuna pwe the way ei insurance e manage merei ese allim. Lon kapas awewe, ngang I - uwe ngang ngeni eu board, personally ren my professional work, as a board, eu commission are board. Iwe ua weweiti ewe board we put trust to the executive management ar repwe fori ar angang. Iwe ua mefi pwe apual watte - merei, abuse ren ewe moni, ren board travel, to find information nge aurouran management. Lon ena wewe ngang uwa pual tipeew ngeni an epwe kasiwil epwe ngeni aramas ar choice. Kilisou.

Chairman Rosokow: Mr. President.

President Noket: Chairman Rosokow.

Chairman Rosokow: Uwa amokutu pwe a koutiw anini. Second.

President Noket: A mokut a puan second pwe a koukutiw anini won. Chon tipeew ngeni pwe a koukutiw anini won ewe proposal chon tipeew ngeni apasa U, chon rese tipeew ngeni apasa Apw. A koukutiw anini. Iei sipwene vote won ewe Committee Proposal No. 3-15, lon Ewin anea. Sipwe angungu lon voice vote. Chon tipeew ngeni pwe Mwichenap a etiwa Committee Proposal No. 3-15 lon ewin anea, apasa U, chon rese tipeew ngeni apasa Apw. A ketiw Proposal lon Ewin Alea 3-15. Sipwe angang won CP No. 3-16. Sipwe tungor ngeni Secretary epwe mwo emwenikich ren itenapen ena - ika ena proposal. Secretary.

Convention Secretary: Mr. President, CP No. 3-16, committee proposal to amend Article XI of the Chuuk State Constitution by adding a new section relating to the surveying of tideland and other disputed marine areas.

President Noket: Floor Leader Harper.

Floor Leader Harper: Kilisou chapur Mr. President, ua fori motion pwe mwichelap a passni Committee Report No. 3-16, lon aewin alea.

President Noket: A mokut a puan second pwe mwichenap a etiwa Proposal No. 3-16, lone win anea. lei fansoun discuss won ena motion - oh won ena proposal.

Floor Leader Harper: Mr. President.

President Noket: Floor Leader Harper.

Floor Leader Harper: Uwa pual fori motion pwe ewe rule e requireni written amendment epwe pual mwo suspended lon ei fansoun.

President Noket: A mokut a puan second pwe ewe rule e requireni written amendment epwe mwo suspended me mwen an epwe wor floor amendment. Chon tipeew ngeni ewe motion apasa U, chon rese tipeew ngeni apasa Apw. Floor Leader Harper, kopwe sopweno omw we amendment.

Floor Leader Harper: Kilisou chapur Mr. President. Upwe amusomus ngeni monun ne mwich ai upwe sotuni ne walong ai keei akasiwil. Nge ika pwe epwe ngaw ngeni lapalapen ach angang, iwe uwa kan chok pual tungor amwenioch seni convention an epwe tongeni accommodate ni ei eu ekiek ngang ia luku pwe a meen auchea an epwe tongeni pual tolong lon nouch ei constitution. Usun chok met ei proposal a ekieki lon ei fansoun. A - ren chok melapen porausan met uwa mochen upwe fori, are pwe epwe och, upwe pual pachelong eu commission me lukun ena Chuuk Marine Commission. Iwe epwap ma worded meren nouch kana ma attorney fengen me nouch we secretary and epwe alilis an epwe ititioch kapasan. Nge ren mwo iei ita upwe ura pwe ika epwe tufich usun met uwa pwarata, won line 3, epwe ura pwe "there shall be establish a Chuuk Marine Commission to survey tideland and other disputed marine water, seas, and a police commission. Iwe murin ekkena a feitiu epwe ura whose composition, duties and responsibilities shall be prescribed by statute. Ikena ai kana alapalapen akasiwil. I so moved Mr. President.

President Noket: A mokut a puan second pwe epwe wor ena amendment epwe katolong epwe nom murin ena water aeas. Epwe kapachonong murin ena areas epwe.....

Floor Leader Harper: Kose mochen sipwe mwo asoso Mr. President.

President Noket: Sipwe mwo asoso.

Mwich a asoso. Mwich a puan popusefalita.

President Noket: Soposopono ne poraus won ena Committee Proposal 3-16, met Floor Leader Harper, kopwene withdrawni omw na amendment ika.

Floor Leader Harper: Ewer kilisou chapur Mr. President, uwa mwo kan puan withdrawni lon pwetete, ai kewe ekesiwl.

President Noket: A withdraw ekkewe amendment an Floor Leader Harper, iei fansoun sopsopono won - discussion won ena Committee Proposal 3-16.

Floor Leader Harper: Mr. President.

President Noket: Floor Leader Harper.

Floor Leader Harper: Kilisou chapur Mr. President, ai nenengeni nge mwo me leich, kich mi ii pwal aucheani ei ekiek. Nge lon ach sia pual nenengeni me epek pwe michok pual tawe ika Legislature epwe walong pwe epwe pual eu an ewe Land Commission sekining an epwe pual tongeni serveyni ekkewe tideland ika metakewe. Iwe ina popun uwa tungor pesepesen ngeni monun nemwich ach sipwene tongei ewe introducer iwe sia passni lon first reading. Nge sipwap killini lon second reading.

Chairman Mori: Ngang upwe fakkun mwo apasa ai kinisou ngeni nouch we Floor Leader Harper an kan puan considerni ach we proposal. Nge uwe ura chok nge e nom won an we kapas Patapat, Pwichipwich. Nge ita met ei upwe tungor ngeni delegates meinisin. Sipwe ekis ousening ngeni met ewe introducer met an wesewesen mochan won ei meen, pun usun epwe kukun an opportunity an epwe addressni ei convention fan asengesi noun ei proposal. Kinisou Mr. President.

President Noket: Ewer, ngang use tongeni upwe forceni emon an epwe pworaus, pwe pusin nemenemen emon me emon an epwe pusin poraus won eu proposal. Ika ese chiwen wor chon poraus won ei proposal iwe sipwene utut won. Chon tipeew ngeni pwe mwich a etiwa Committee Proposal 3-16, non ewin anea apasa U, chon rese tipeew ngeni apasa Apw. Ei Committee Proposal a pass non Ewin Anea. Iei sipwene - mwich epwene angang won Committee Proposal No. 3-17, a feen katouu ena nanew. Iwe mwen ach sipwe angangeno sipwe tungor ngeni Secretary epwe emwenikich won ena Proposal.

Convention Secretary: Mr. President, Committee Proposal 3-17, a committee proposal amending Article V of the Chuuk State Constitution relating to Legislative branch.

President Noket: Floor Leader Harper.

Floor Leader Harper: Kilisou chapur Mr. President, uwa pual fori eu motion pwe mwichelap a passni Committee Proposal No. 3-17, won ewin alea. Second.

President Noket: A mokut a pual second pwe mwich a etiwa Committee Report 3-17, lon ewin anea. Chon tipeew ngeni ei motion, apasa U, chon rese tipeew ngeni apasa Apw. A carry ei motion. Iei fansoun discussion won ewe Proposal 3-17.

Floor Leader Harper: Mr. President.

President Noket: Floor Leader Harper.

Floor Leader Harper: Aewin upwe mo tungor ngonuk President kopwe ureni Honorable Delegate Sirom, pwe esap osukosukaei lupwen fansoun uwa for motion, pwe e ngawelo ai poraus.

President Noket: So ordered.

Floor Leader Harper: Thank you. Ngang - lon ei fansoun - kilisou chapur Mr. President. Lon ei fansoun uwa pual fori motion pwe ewe rule e requireni written amendment epwe mwo pual suspended lon ei fansoun.

President Noket: Sipwe mwo asoso ekis.

Mwich a asoso. Mwich a puan popusefalita.

President Noket: Sia pual popusefalita. Mi second ewe motion ren an epwe mwo pual suspend ewe rule ren written amendment. Chon tipeew ngeni ewe motion apasa U, chon rese tipeew apasa Apw. A carry ewe motion. Iei fansoun Floor Leader Harper, ifan omw na amendment.

Floor Leader Harper: Ewer, kilisou chapur Mr. President. Ita upwe kan pual tungor allisoch seni mwichelap pokiten sise pual kon nien nipwakoch ika molota ngeni ekkei akasiwil. Ita upwele chok kan urauu ekiekin nge epwap nonom ren nouch kei mi kan silelap. Repwap kan ma wordni ika pwe epwe pass won na line 17, en e ura pwe epwe divided into 5 senatorial regions. Epwe ekesiwil ena 5 Senatorial Regions nge epwe ura - epwe divided into 13 Senatorial Precinct, ika Region, ika area, ika whatever word ei convention epwe prefer or think its more appropriate. Iwe a as follows: Iwe a poputani Northern Namonea, epwe consisting of islands of Weno, Fono, Piis-Paneu, iwe a tetelin met mi fis me lon ei current constitution under the House of Representative, ina met epwe chok tolong.

President Noket: Me mwen ach sipwe sopolopol Floor Leader Harper, kopwe afata ngeni mwich ren ena ka amendni ena Senatorial Region, me met kopwe wanong pwe siwinin. Epwe fat ngeni mwich, ach sipwe tongeni poraus won. Kose tongeni omw kopwe chok ara pwe epwap nemenemen mwich met repwe finata an epwe iteni.

Floor Leader Harper: Kose mochen sipwe asoso.

Mwich a asoso. Mwich a puan popusefanita.

President Noket: Mwich a popusefanita. Floor Leader Harper, kose mochen kopwe reinstateni omw we amendment, your first amendment.

Floor Leader Harper: Ewer, kilisou chapur Mr. President. Lon ena - won ena line 17, ena fos "5 Senatorial Regions epwe katalo, nge epwe tolong 13 Senatorial District.

President Noket: 17th?

Floor Leader Harper: Won line 17.

President Noket: Epwe tonong fite?

Floor Leader Harper: 13 Senatorial District.

Chairman Stephen: Osupwang.

President Noket: Met omw na osupwang?

Chairman Stephen: Ufen mochen anisi ai we good colleague ren an na amendment, uwe tungor ika ese mochen epwe fen wanong lon written pun an epwe amendni chok ekis iwe unusen ekkei meen iwe.....

President Noket: Esap osupwang ena pwe ke mochen kopwe puan fori eu amendment sipwe mut ngeni Floor Leader Harper, epwe sopweno metewe an amendment.

Floor Leader Harper: Kilisou chapur Mr. President. Ena e ura, as follows iwe meinisin ekkena murin ena follows epwe katalo feitiu won 13, muchulo won Pollap, epwe katalo. Nge epwe tolong in lieu thereof epwe tolong won - ekkena mettoch meinisin mi stricken out me won 2nd page starting on line Eu, Northern Namoneas, a feitiu, feitiu, feitiu, tori won line 16. Ikena met epwe tolong siwilin ekena epwe katauu seni line 17 murin follows tori 23, Pollap.

President Noket: Secretary en mi fallowni ena amendment a kon lengthy. Sipwe mo asoso eksi.

Mwich a asoso. Mwich a puan poputa sefan.

President: Mwich iei a puan popusefanita. Iei kich mi chon nom won Committee Proposal No. 3-17. Floor Leader Harper.

Floor Leader Harper: Kilisou Mr. President, uwa fori motion pwe a koukutiw poraus won ena Proposal 3-17, second.

President Noket: A mokut a puan second pwe a kaukutiw anini won ena Committee Proposal 3-17, chon tipeew ngeni apasa U, chon rese tipeew ngeni apasa Apw. Akaukutiw anini. Iei sipwene vote won ena Committee Proposal No. 3-17, lon an pass ewin anea. Chon tipeew ngeni pwe Mwich a passni ei Committee Proposal No.

3-17, lon Ewin Alea, apasa U, Chon rese tipeew ngeni apasa apw. A carry ei - ewe CP No. 3-17, a pass Ewin Anea.

Floor Leader Harper: Osupwang Mr. President.

President Noket: Met omw na osupwang Floor Leader Harper.

Floor Leader Harper: Kose mochen kopwe ureni nouch kei secretary pwe resap osukosukaei lupwen fansoun ai uwa concentrate lon ai angang. Kilisou chapur.

President Noket: Sise asoso iei, nge epwe nom won record, tungor ngeni staff, secretary, akaewin ekkena female staff ousap osukosuka delegates fansoun ar ra deliberate lon ar angang mi auchea. Kinisou. Floor Leader Harper.

Floor Leader Harper: Kilisou chapur Mr. President. Ua fori motion pwe mwich epwele mwo sarelo ren ikenai niwinsefal kulok 2:30 nesosor. Sipwe mwo asoso.

President Noket: Ese second ewe motion. Soposopono chok mwich, ese second ewe motion sipwe awesano mwan ekan mi wor non nouch na order of business. Ifan ewe - nouch we order of business, secretary eto upwe nouni echo order of business.

Floor Leader Harper: Sipwe mwo asoso.

Mwich a asoso. Mwich a popusefanita.

President Noket: Mwich epwene angang won ena item 12. Ese wor second reading, final reading, consideration of resolution, ese wor item 12. Mi wor ekkei resolutions e introduce - fite iwe ikenai. Mi puan wor proposal epwe puan introduce, secretary.

Convention Secretary: Mr. President mi wor ekkei Resolution mi katolong.

President Noket: Aleani itenaper, me nampar.

Convention Secretary: Eu, confirming the Nomination of Julio Raymond as delegate to the 3rd Chuuk Constitution Convention to replace Delegate Lester Ruda has been unable to perform the duties and functions of his office due to the prolong physical illness. The other Resolution congratulating the Honorable Freddie Nifon on his appointment by the Governor of Chuuk State to the House of Representative to the Legislature to fill the vacancy and serve for the unexpired term in the Legislature on behalf of the people of Northern Namoneas Region. Mi wor eu delegate proposal, Ruanu (4) ekkei delegate proposals. Eu by Delegate Tuter Sirom, amending section 1 of Article XII, relating to the General Election in the State of Chuuk. Singkoro Harper, Floor Leader, To amend Article XI, by inserting the new section VI, relating to the creation of Police Commission. Floor Leader Harper, amending section II or Article

IX relating to restriction on holding of public offices and employment in the State Government by reasons convicted of certain crimes. Floor Leader Harper, adding a new section III to Article IX relating to certain restrictions on employment in the State Government and to renumbered of subsequent sections. Eu Resolution ekeran pwal katonong, From the Committee on Public Finance & Revenue, Respectfully requesting and strongly urging the Honorable Detor Santos, President, all honorable colleagues of the Senate, and Honorable Joe N. Suka and all honorable colleagues of the House of Representatives of the Seventh Chuuk State Legislature, to reform and update the Financial Management Act of 1982 to include the separation of accounts. Kilisou Mr. President.

President Noket: Kinisou, Mr. Secretary. Floor Leader Harper.

Floor Leader Harper: Kilisou Mr. President, me mwan ai upwe fori motion ach sipwele sarelo. Ifan usun assignment ren ekkewe proposals me resolutions.

President Noket: Ekkewe assignment epwap men nesor.

Floor Leader Harper: Kilisou Mr. President, iwe ua fori motion pwe mwiichelap a sarelo ren ikenai, niwinsefal kunok 2:30 lesor. (Motion seconded).

President Noket: A amokut a pwan seconded pwe mwich epwene asosono tori kunok 2:30 nesor. Chon tipew ngeni ewe motion apasa U, chon rese apasa Apw. A ketiw ewe motion. Mwiich a sareno ren ikenai, niwinsefan kunok 2:30 nesor.

Mwiichenap a sar kunok 6:00 nekunion.

Katonong seni,

Hernak Paul
Convention Secretary